

四庫全書

子部

欽定四庫全書

子部

廣川書跋
目錄
卷一

詳校官中書臣孫溶

檢討臣德生覆勘

覆校官主事臣李駿

校對官主事臣張培

謄錄監生臣李炎

欽定四庫全書

子部八

廣川書跋目錄

藝術類一書畫之屬

卷一

父乙尊彝

虞

姪敦

虞

罍尊

夏

伯作父丁寶尊彝銘

商

仲作辛鼎銘

商

狸首豆

商

著尊

商

圜觚

商

象觚

一柱爵

牛鼎

二方鼎

古豆

螭足豆

犧尊

著尊

虎彝

周

蜼彝

周

壘洗

周

烏鍾

周

雲雷鍾

周

古盤銘

叔郭父簋銘

伯考父簋銘

伯黨父銘

旅匜銘

鬻簋銘

尊鼎銘

卷二

石鼓文辯

文附後

毛伯敦

周成王

魯尊彝銘

伯禽

龔伯尊彝銘

周

叔巖鼎銘

周昭王

伯庶父尊敦銘

周

商洛鼎銘

周成王

孟銘

周制

史伯碩父鼎銘

周宣王

弭仲寶匱銘

弭仲寶匱銘

杜孺鋪

方甌銘

紀城敦銘

卷三

周姜敦銘

晉姜鼎銘

孔文父飲鼎銘

大夫始鼎銘

宋公諲鍾銘

宋平公

宋君夫人餗釭鼎

宋

餗鼎銘

宋景公

宋公寶簋銘

邛仲頰盤銘

周

周舉鼎銘

晉平公

癸舉器

匱甲觚

齊豆銘

萬鼎齊子尾

甘鼎齊樂氏

王子吳飲爵

寶彝鍾銘

虢州古鍾銘

景鍾銘

銅敦銘

臨淄戟銘

延陵墓字

佳城銘

卷四

秦公敦銘

大公寶缶銘

秦和鍾銘

詛楚文

秦權銘

秦銘

嶧山銘

泰山篆

金人銘

程邈篆書

卷五

古鎗銘

谷口銅筩銘

漢甘露元年

成都石室銘

闕

文公學生題

闕

權銘

王莽

素洗雙魚洗列錢洗

章帝書

寔石銘

永建六年

韓明府碑

元壽

樊常侍碑

延熹元年

孫叔敖碑

延熹三年

泰山都尉孔宙碑

延熹四年

西嶽華山碑

延熹四年

鄴閣頌

建寧四年

慶都碑

蔡邕石經

熹平四年

石經尚書

石經論語

朱龜碑

光和六年

小黃門護敏碑

中平四年

周公禮殿記

初平五年

四皓神坐

君子公昉碑

天祿辟邪字

楊震碑並陰

光祿劉曜碑

橋太尉碑

卷六

鍾繇賀表

建安二十四年

皇象隸字

吳

七賢帖

別本七賢帖

司馬整碑

晉太始四年

太公碑

月儀帖

告誓文

永和

蘭亭敘

成都蘭亭敘

黃庭經

三

畫贊

樂毅論

全文樂毅論

別本樂毅論

高紳樂毅論

狸骨帖

逸少十七帖

逸少八帖

畚庾元規帖

硬黃

洛神賦

洛神賦別本

子敬雜帖

子敬別帖

王中令帖

王敬別帖

二

羊欣薄紹之帖

鄧乂碑

後秦建元十二年

銅鼓銘

廬陵王銘志

寶鼎碑

後魏

瘞鶴銘

梁

蕭子雲別帖

烏丸僧修志

梁

智永千文

陳

張龍公碑

隋

隆聖道場碑

大業元年

卷七

砥柱銘

貞觀

醴泉銘

歐陽詢帖

虞世南別帖

薛稷雜碑

李衛公書

褚河南聖教序

永徽

遂良帖

辨法師碑

顯慶

碧落碑

咸亨元年

別本碧落碑

歐陽通碑

歐陽通別帖

智乘院碑

咸亨四年

崔敬嗣墓誌

長安三年

陳昭題名

開元

六公詠

御史精舍碑

開元

盧舍那碑

開元

尉遲迴碑

開元

李太白藁

張旭千字

張長史草書

張長史別本

郎官石柱記

張友正草字

崇徽公主手痕碑

大歷

卷八

魯公祭姪文

乾元

磨崖碑

大歷

放生池碑

大歷

王密碑

摹畫贊

新驛記

李陽冰篆千字

琴銘

徐浩寶林寺詩

徐浩開河銘

徐浩題經

懷素七帖

懷素別帖

懷素洪州詩

北亭草筆

高閑千字

遺教經

鑄鼎原銘

貞元

陰真人詩

貞元

李翱題名

貞元

桐柏廟碑

撫州六詠

絳守居園池記

長慶

園池記別本

陰符經序

開成

金剛經

會昌

武昌詩

衡州門記

大中

趙璘登科記

大中

于範書

唐經生字

盤屋尉題名

津陽亭記

卷九

劉統軍碑

元和

又別本

田宏正家廟碑

元和

徐偃王碑

元和

平淮西碑

元和

羅池廟碑

長慶

為李文叔書

為陳中玉書

並羅池碑

黃陵廟碑

長慶

為王持國書黃陵碑

李干墓

孔戣

長慶

處州孔子廟碑

咸通

卷十

同光四年宣

李後主蚌帖

李主集賢院書

為張潛夫書官法帖

為方子正書帖

石曼卿書

畫錦堂記

萊公事

顏泉記

寶章集

元符二年刻

為邵仲恭書寶章集

僧伽傳

魯直作烏絲欄書

臣等謹案廣川書跋十卷宋董道撰道字彥遠東平人題曰廣川從郡望也道政和中官徽猷閣待制王明清玉照新志載宋齊愈獄牘稱司業董道在坐則靖康末尚官司業矣丁特起孤臣泣血錄並記其受張邦昌僞命為之撫慰太學諸生事其人蓋不足道者然其書畫賞鑒則至今推之是編皆古器款識及漢唐以來碑帖末亦附宋人數帖論斷考

証皆極精審其据左傳成有岐陽之蒐定石
鼓文為成王作雖未必確而說亦甚辨然能
知孫叔敖碑不可信而滕公石槨銘乃信博
物志西京襍記之語又如以紀為裂繻之國
不知其是卿非侯以憲中列遠岫為謝靈運
詩不知其為謝朓亦多疎舛要不害其鑒別
之精也乾隆四十二年九月恭校上

總纂官臣紀昀臣陸錫熊臣孫士毅

總校官臣陸費墀



廣川書跋目錄

廣川書跋原序

弁家自上世以來廣畜異書多有前人真蹟先君生而
穎悟刻苦務學博極羣書討究詳閱必探本原三代而
上鍾磬鼎彝既多有之其款識在祕府若好事之家必
宛轉求訪得之而後已前代石刻在遠方若深山窮谷
河心水濱者亦托人傳撫墨本知識之家與先君相遇
必悉示所藏祈別真贋訂證源流若書畫題跋若事干
治道必反覆詳盡冀助教化其本禮法可為世範者必

加顯異以垂模楷或涉同異事出疑似者必旁證他書
使昭然易見探古人用意之精巧偽不能惑察良工之
所能臨摹不能亂爰自南渡鄉關隔絕先世所藏莫知
在亡或已散逸過江隨行所攜敗於兵火今所存得於
煨燼之餘年來為裒集在者得書跋釐為十卷畫跋六
卷繕寫藏諸家廟別錄以示子孫俾知先君博物洽聞
古今鮮儷無墜家訓庶或師範其萬一焉爾紹興丁丑
歲十月丙辰男弁謹序

欽定四庫全書

廣川書跋卷一

宋 董道 著

父乙尊彝

李丕緒得古彝銘曰作父乙尊彝其下為蛙形或疑其制余曰此古尊彝也其在有虞氏之世不則自商以前其制得於此未可知也書曰日月星辰山龍華蟲作會宗彝藻火粉米黼散紉繡孔安國以會為繪謂彝尊亦以山龍華蟲飾之鄭康成曰宗廟之器鬱尊虞氏以上

虎雉而已聖人以飾尊則於服以宗彝所飾而為絺繡
自漢至今學者嘗疑之以父乙尊彝考者可以信也方
虞氏專用虎雉則非一器矣丹陽蔡氏得祖丁彝為虎
形考古圖不能推見虞氏宗彝之制廼謂兕形古人飾
器各以其意虎為義雉為智觀其飾可以知其意雉寓
屬其尾岐出今於彝可考而見也或曰乙丁商人尚質
其稱蓋云考之於禮幼名冠字死諡自周以然其在商
夏則以丁壬癸甲為別知虞氏之世亦若是也記者猶

曰辛壬則於名可知矣

雌敦

祕閣有敦其實鼎也政和三年內降宣和殿古器圖凡百卷考論形制甚備於是館下以藏古器別為書譜上校書郎黃伯思以圖示余曰商素敦者其高五寸五分深四寸一分口徑六寸七分其受八升重六斤有七兩皆今之權量校也其制兩雌首耳下有珥蓋其尾岐出且曰古敦之存於今者若周宰辟父敦散季敦邢牧敦

哉敦號姜敦皆有款識此器特異疑為商人製也余考之雖寓屬其尾岐出古之宗彝也自虞舜已然豈特商邪於是定以為蜼鼎

罍尊

王得君藏山罍且世寶之嘗曰昔梁孝王有罍尊戒後世善寶即此器也或曰尊罍異制不得同名余考之漢謂罍尊蓋彝占罍器也占中尊也然則罍大尊可知也古之酌酒皆取之罍故廟堂之上罍尊在阼犧尊在西

則巽謂之尊可也應劭曰巽畫雲雷之象以其為巽故飾以雷者此其文也鄭康成謂上盖刻為山雲雷之象如此則孝王之巽盖夏后氏之寶矣禮曰山巽夏后氏之尊也

伯作父丁寶尊彝銘

傳言人年二十有父之道朋友不可復呼其名故冠而加字年五十矣者父轉尊又舍其字直以伯仲別之此周公定禮以變殷制如此今日伯作父丁殆以名著不

諱其死此殷禮也殷人無字見者又伯仲之稱不必五十故以生號仍為死後之稱則父丁是也若二十稱伯則以甫某配之五十之後直呼伯仲知殷禮異矣

仲作辛鼎銘

伯仲之敘別長少自堯舜以至三代盡然惟著稱則異夏商不待年五十凡長則稱伯次則稱仲周人必待五十而後稱伯仲此其制文也仲作辛鼎其可考者以名知之辛壬丁甲惟殷為敘而伯不配甫者亦殷道也禮

緯曰質家稱仲文家稱叔又益知其說信然

獬首豆

祕閣古豆制作甚樸趺為函獸或以其質曰商人豆也
政和三年祕書考定古器以函獸為獬謂射以獬首為
節其制以豆示於小獸不遺故以備乾豆宴賓客因曰
商獬首豆或以問曰獬首為豆禮乎曰非也昔之制禮
諸侯以獬首樂歌也射以歌樂為節故其詩曰曾孫侯
氏四正具舉大夫君子凡以庶士小大莫處御于君所

以燕以射則燕則譽夫如此故詩以時會為意而且有燕也諸侯之射必先行燕禮燕禮所用饋食之豆薦羞之豆恒豆水物加豆陸產其用則燕器也燕器無異制則又有狸首以為別邪且刻畫祭器博庶物也雖卻仄連紆之行胙注旁翼股胸之鳴求以備物為飾不有遺也故雖翼而飛廉爪而饕餮攫而兕虎惟所宜而設焉其以小獸而自私哉余恐議者未嘗得其形制也如騶虞米簋且又寓之籩豆簋簋之間邪

著尊

著直
略切

內府古尊昔嘗出示於朝故人得圖之無足無銘刻腹
為獸首附肩著耳安定胡瑗曰黼無脰有足壺尊有脰
著無足嘗疑其名又謂尊以魯壺是其制也今考周官
朝獻用兩著尊饋獻用兩壺尊以壺為尊蓋祀器也古
者饗用祀器為禮之重自用著尊不類引以為據誤也
禮曰著殷尊也著尊為著略尊故說禮者言著地無足
如此定為著尊可以考矣古者著鼎無足則凡著地無

足皆以著名之

商觚

祕閣有觚二其一高七寸七分深五寸一分口徑四寸五分受一升其二高七寸深五寸三分受九合其制無四廉樸素不文或定以為商觚古量比今纔及三之一則其受一升當古之三升不得為觚也孔子曰觚不觚觚之所以為觚者以有觚也觚以廉制得名則無廉隅者非觚也漢世以周之文散而欲得三王循環之政且

謂救僊以忠則質尚矣故曰破觚為圓漢不知觚為廉
苟以尚質趣便則去其廉隅此漢人之所為也後世不
考其制以為此但取喻不知破觚可無其事而假以說
邪古者操觚執簡以有記也惟有隅故可以書今觚無
廉而以圓成者此豈知古人之立制哉

象觚

祕閣有觚高八寸一分其容六合有羨上下為雲雷飾
足為四象或以問余對曰此象觚也禮射人升賓賓升

立于西序東面主人盥洗象觚升酌饌東北面獻公公
拜受爵觚之別如此或謂以象飾者為象觚然觚亦為
象飾邪曰觚容三升是亦觚也特容受有差故以名異
鄭康成曰觚有象骨飾也故為象觚竊為當漢之世古
器存者盡矣其在邱墓者未出故不得見之則飾以象
骨者漢人制也康成推漢之制論之故不得於古

一柱爵

祕閣有爵一柱以度校之高六寸七分深四寸一分口

徑六寸五分濶二寸七分容八合飾以雲雷下為饗饗
狀崇寧三年余至館下識之歎曰禮之廢久矣二千年
後誰復傳此器也方今天子以興禮樂為務意者天以
三代之禮行乎不然此器何為出也或曰爵必兩柱猶
鼎敦之有會簋簠之有蓋也必三柱加上以覆持之爵
有玷反而加其上者以有柱也今為一柱意以滿必覆
其著戒乎曰非也爵有舉舉必反酬故更爵易觶此禮
之用於獻酬者也若夫燕禮進受虛爵降奠于篚則以

君尊不酌也虞禮以虛爵入于房則以不貴酒也虛爵
無玷故不及反反者以玷示其醕也然後受洗則虛爵
不易且不反也故一柱為主古之為器以雲雷為飾非
特謂氣烝而澤潤其以為物之需者如此至于饗饗異
獸也以是文之爾貪財為饗貪食為饗古之著戒至矣
不必以自食其身為太甚也

牛鼎

牛鼎無銘識昔內府出古器使考法定制工官圖其狀

求余識之曰深八寸六分徑尺有八寸其容一斛刻文
塗金世不知所本乃考禮圖圖有牛鼎羊鼎豕鼎其足
以牛羊豕為飾可以得其名矣鼎足盡為牛首知其為
牛鼎也荀爽曰鼎象三公之位上則調和陰陽下則撫
育百姓牛鼎受一斛天子飾以黃金諸侯白金三足以
象三台足上皆作鼻目為飾羊鼎五斗天子飾以黃金
諸侯白金大夫以銅豕鼎三斗天子諸侯大夫飾之如
羊鼎士以鐵飾之三鼎形同以足為異然豕鼎則天子

諸侯大夫士所得共用也羊鼎自大夫以上有之其別以飾至於牛鼎大鼎也惟天子諸侯有之其飾以金者天子器也以葵說考之合矣其三代之所用也

二方鼎

祕閣方鼎二其一高二尺二寸八分深一尺三寸九分口徑尺有七寸三分受太府之量一拓七斗五升又一高減一寸二分深減四寸四分其受量損二斗三升足四承其下形方如矩鼎之制其見于三禮鼎器圖者最

古謂以銅為之三足者鼎也其後劉向謂湯使人持三足鼎祝於山川漢得魏鼎適三足故有司得以藉其說謂泰帝興神鼎一黃帝作寶鼎三禹鑄九鼎象九州皆嘗享上帝鬼神其空足曰鬲以象三德諸儒許慎蘇林如淳顏師古輩皆謂禹之鼎惟其三足以有承也韋昭以左氏說鬲之二方鼎乃謂其上則方矣其下則圓與祭用鼎鬲無所異方其時古鼎存者盡廢其在山澤邱隴者未出故不得其形制然亦不知考於古也昔禹使

飛廉析金於山以鑄鼎昆吾使翁難乙灼白若之龜鼎
成四足而方不灼自成不舉自藏不遷自行而古之為
鼎四分其足以有成者雖禹猶然知鼎之方者亦得四
足矣今世之有魯公文王方鼎有單鬯方鼎有王伯方
鼎有陀員庚子方鼎惟祕閣方鼎其大受斛其飾為羊
此古之所謂羊鼎者也或曰魯公方鼎其銘為尊彝單
鬯之鼎其銘為從彝王伯之鼎其銘為寶彝一作盥其制
與祕閣方鼎相類特容量不同其名異者何哉余考之

曰禮有六尊六彝六尊以待裸六彝以待祭祀賓客及祭之日表盞盛告絜故逆盞以受膳人之盛視釂以受烹人之腥古人於此雖異制矣然彝卣罍同器而尊則與彝同薦大祝六號器同謂之盞蓋以彝器為常器盞以持而獻也故黍稷稻粱醢醢牲牢同謂盞者惟所用以有別也傳曰以壺為尊故謂壺尊然以鼎為尊以鼎為彝以鼎為盞其為尊彝與盞同制有所本也今考父癸方彝其制鼎也孔文父飲鼎其制尊單鼎從彝其制

鼎盃與觚皆具蓋宗彝常器也尊鼎常薦也其從以享者隨器以名之古人於宗器其重如此

古豆

祕閣有豆其制甚備中直而下承有跗如盤禮官疑之政和三年詔盡出古器俾儒官考定蓋朝廷講禮既備將大革器物以合三代或以問余豆之制不同何哉余曰禮之所設其器異也詩曰于豆于弊都騰反傳曰瓦豆謂之登豆之制則同毛氏謂瓦為弊木為豆不知古者

銅為蓋有制也夫五齊七醢七菹三醢此豆實也清廟
未食則為朝事以菹醢為薦至于薦孰則羸廩蜃魚尸
既食矣后夫人亞獻故有加豆房中之羞主婦右之則
有羞豆加豆有鐙有校故禮曰夫人薦豆執醴者授之
執鐙此加豆也豆今存者已眾其鐙不具者朝事及賓
客饋食之器也若后夫人當獻口于尸則執醴者供之
故授夫人以豆而執鐙禮有嚴其分者雖一器猶有存
也鄭康成曰豆以木為之受四升此宜阮湛梁正相承

以自絕於禮者蓋漢世其器未出故論如此

螭足豆

上方出銅豆螭蚺有蓋蓋有柱無銘可考禮學號螭足周豆足為盤螭其名以此然高九寸一分深三寸二分口徑五寸四分其容三升見於禮文此周豆之制也嘗考古豆之見於今者可得而存之矣惟此有蓋存焉其與簠簋之制同也傳曰蓋謂之會會有柱可仰以食故饋食禮曰佐食啓會卻于敦南先儒謂佐食者取會卻

置而奠之以待尸入而食公食大夫禮曰賓卒食會飯
先儒謂取飯於敦蓋仰會而食置其餘以待餽也夫豆
宴豆羸羸蜺魚其為加豆芹蒲落荀羞房中之豆酏食
糝食不為飯器也呂靜曰飯器謂之簋古之為敦羸盤
杆亦或用以為飯之薦然仰會以飯自豆以分古之食
禮如此特牲饋食禮曰筵對席佐食分簋銅注曰分簋者分敦黍于會為有對也敦有虞氏之器也周制士用之變敦言簋容同姓之士從周制也

犧尊

將作監李誠出古銅牛以示曰此謂犧尊於禮圖考之
不合余謂古之制犧尊如此後世不得其制故禮圖者
失之鄭康成曰畫鳳凰尾嫵娑然今無此器當禮家錄
禮器則依康成為据昔劉杳號博識雖知康成為誤猶
謂刻木為鳥獸鑿頂及背以出酒昔魏得齊大夫子尾
送女器作犧牛形晉永嘉中曹疑發齊景公塚又得二
尊亦為牛象杳蓋未嘗見犧牛分其首受酒則又脗合如
金牛時受酒受飯則開而出內之以是為異杳乃謂鑿

頂及背誤也康成當漢世此器尚未出宜不得考其制如梁正聶崇義則二器已出雖未嘗見魏晉梁齊書盡得考之矣乃畫牛負尊何其愈陋也今世此器多見禮器故可知或曰杳謂以木為之何也余謂古者亦以木為尊故曰溝中斷木以為犧尊知其有据木久則壞世不復傳今人見者皆赤金也謂古不得以木為尊是待目見而後信者可與論禮制哉

著尊

著尊殷制也其形範樸古無復疑者昔內府出周著尊
文米繁縟夔躍龍翔雷回雲紘有旋動之勢此固為周
制也又有獸傳翼而飛或曰蚩尤之形也夫榆罔蚩尤
銅頭石項飛空走險故古之鑄鼎象物則必備之或曰
蚩尤著貪暴之戒不以此論也銳喙決吻數目顧脰小
體竊腹古之所謂羽屬刻畫祭器以備制為薦所以致
飾也

虎彝

廬江李公麟得彝於新鄭銘三字余求得之并圖其器
京兆呂大臨曰兩耳飾以虎首蓋虎彝予攷於書宗彝
謂虎雉也方虞氏世宗彝之文如此其會於裳則雉備
舉矣嘗見父乙尊為虎然虎雉雖飾宗彝非一器盡備
疑宗彝之飾各得其一以見當是時二者皆見於宗彝
故古器之存於世無二物備載一器知舉宗彝以見二
物也伯時虎彝則異父乙尊為虎以飾耳非虞氏制也
昔周人追享朝享裸用虎彝雉彝自為二器蓋周所制

也

蜼彝

考古圖曰祕閣所藏大小七器形制略相似其六大者為行獸二首及身有斑文似虎而岐尾如蜼腹下空可以縣故為罇崇寧三年余就館中求之信然後得王氏古彝其制如此則古宗彝也方唐虞時宗彝之制如此其以為締繡倣此而已後世作器文采日以加緝故有隱起雜飾不復樸質如古故今之所見蜼彝虎彝或器

各自別知三代皆用此至周其制漸改於古余嘗求宗
彝未見有二物同一器者蓋嘗疑古不必一器具此或
二器同為宗彝故書舉虎雉但曰宗彝其說在祖乙之
雉彝至此余竊疑之其為斑文者虎也岐尾者雉也此
豈古之備二物於宗彝制邪

壘洗

祕閣有壘其高若干容若干有洗若干其徑尺有六寸
余按壘洗皆水器也燕禮設洗於阼階東南當雷壘水

在東冠禮設洗直于東榮壘水在洗東蓋古者祭祀燕會皆用壘洗所以盥也壘貯水洗受水凡行禮者盡然君尊不就壘故有匱盤皆以致潔也洗飾以雲雷與壘同器也或謂洗以龜魚為文取精潔之意不然龜魚皆水蟲而或又飾以藻荇此皆以類取也不必過求且又以藻荇可羞於鬼神邪

烏鍾

祕閣烏鍾自上升出其高八寸二分口徑六寸三分其重

若干鍾之制甚質鼓間容六舞間容四于間不及鼓二
無旋蟲繞獸疑周初之器文未縟也其銘作鳥形祕閣
謂畫鳥為象以自別鼎余考古文大抵皆畫也畫以象
形則古之所謂書如此昔籀文鳥象鳥形而點目以鳥
目可見鳥目不可辨篆文曰從鳥而鳴亦鳥之聲也古
人制字可以類得之矣或曰流火復屋為鳥此周受命
之符也鼎著以鳥或宜本于此余考夔鼎鳳鼎皆以銘
器安知鳥非其以名著邪

雲雷鍾

御府有鍾無款識可考然鼓間一雲一雷此銘也古文畫以象形而為之說者以為周鍾理或然也祕閣以權度校得高六寸三分衡甬高三寸三分甬舞相距五寸二分橫四寸兩欒相距六寸橫四寸四分考其制于鼓鉦舞其體也甬衡其柄旋幹其所縣也篆有四以介其面也枚三十有六所以鎮其浮也周之制以其鉦之長為之甬長以其甬長為之圍是故小鍾十分其鉦間以

其一為之厚為遂六分其厚以其一為之深而圜之今考其度略相合矣然余信以為周人之所作也

古盤銘

古盤銘得之河南鞏氏其銘為舉盖而進之此其義也
樸質不飾有足以承此殆古之匱盤也匱以注水承水
於盤不使水散於地尊者之所用也

叔郭父簋銘

臨江劉原父得銅簋考其識曰叔高父作鬯簋余按古

丈高當作郭鬻當作旅郭象城郭相通旅猶為中為衆
與今丈無異蓋人三衆也簋形圓而楸如龜原父因歎
禮器散亡得此可以證禮圖誤謬且今所用簋疑禮家
無所据依崇寧五年紀城得銅器數十物有內圓外方
如桶其形者其蓋正作龜形容量不及今六升纔三合
余考之知為簋也傳曰豆實三而穀豆為四升則簋容
一斗二升以漢量校之周一斗一升有奇魏齊權量於
古二而為一周隋則三而為一今之量法猶當魏隋之

中則不及六升者正周之斗二升也古人制器隨時則異後世偶得一物即据以為制不知三代禮器蓋異形也又諸侯之國得自為制豈必盡合禮文哉今所見宗器自為多制鄭康成謂制之同異未聞蓋古人慎疑如此

伯考父簋銘

陳氏得古簋其文曰伯考父作此寶簋形制與原父所得甚異不知其為何代器也然古以敦琖瑚簋為同物

漢儒考定皆黍稷器也前世禮官謂簠簋以銅而後世以木者非也鄭康成曰敦有首者尊器飾也飾蓋象龜周之禮飾器各以其類龜有上下甲則所論已異賈公彥唐人名知禮其論簠簋曰以木為之容斗二升上刻以龜如是而已豈不知旂人為簠其用以銅者自周有之而夏商則或以玉今簠簋有幸而存者皆銅也若旂瓦刻木則宜世久不得見周之簠簋大夫刻為龜諸侯飾以象天子飾以玉則楅而圓以象龜蓋者諸侯制也

刻以龜而為飾於蓋者大夫制也後世以大夫之制行於天子且用以享帝則非矣禮家不論於此

伯黨父銘

古甗皆有蓋有秣其下可爨上可幕以為烝麋者也許慎言後改為甗甗甗形相類不可便為一物特後世甗廢而甗獨存也觀廩人概甗甗司宮概豆籩便知甗非甗矣甗在漢讀若言在隋音彦今人作偃不知聲類所以改者何也古者鼎俎簠簋皆有數故其次者謂之旅

旅言其衆又曰亞也獨甌不見上下之等與其數如何
今其銘曰伯黨父作旅甌知古之為甌以備薪烝者非
一器也考古圖以黨作溫今校籀書溫之文若此孫炎
翻以余廉謂進也王存入瀘水篆字亦若此然則字當
為瀘

旅匪銘

此器類觚但容受勝爾孫炎翻字作移介隋韻始為頤
音古今之言異也昔人得於萬年涸中歐陽文忠釋其

文曰鉅伯作煮臣考之於字煮當作旅以王存又書考之臣則沱字今文以沱為池宜世不加考也禮器有匱而無沱匱為方中也則此器為匱可知古人於書凡器用則外從方古人方為匚若缶為匱杯為匱遷為匱簋為匱其取類衆矣篆文匱從方而古文不用疑昔人作字務從簡古或去其方故後世疑之禮家論匱謂為盛水器陸法言劉臻以為類栳蓋古所用以酌也漢人或謂形類羹魁中有道可以注水故懷羸奉盥公子揮之

今考其制與羹魁異矣是匱之類不一疑漢人所見異也

鬻簋銘

先秦古器有鬻簋楊氏古器圖有鬻甗永叔集古皆存其名不廢或曰以火亨鬻也不知簋盛黍稷且又可亨飪耶考其文協當為旅今字學諸書有據可考不知諸公皆以為鬻何也古之食禮有正鼎又有陪鼎而進黍稷者以簋進稻粱者以簋故有八簋六簋又有一物而

二簋者皆旅陳於席則以衆列而進者皆謂之旅其覲言旅者亦用以亨享非一器也

尊鼎銘

李保年得鼎于長安耕者其銘曰集作尊鼎萬壽無疆
子子孫孫永寶用夫尊鼎異形其制似鼎者此鼎尊也
呂大臨疑孔文父飲鼎為壺尊之屬而銘以鼎蓋古之
制器自有据而鼎之制亦不一矣惟其用以名之唐開
元十三年萬年人王慶獲寶鼎五銘曰衆作尊鼎與保

年鼎同文但鼎字利缺不可識疑此鼎是也

廣川書跋卷一

欽定四庫全書

廣川書跋卷二

宋 董道 著

石鼓文辯

世傳岐山周篆昔謂獵碣以形製考之鼓也三代之制
文德書於彝鼎武事刻於鉦鼓征伐之勲表於兵鉞其
制度可考後世不知先王之典禮猶有存者鑿山刻石
自是昭一時功績唐世諸儒以石鼓為無所据至謂田
獵之碣蓋未知古自有制也歐陽永叔疑此書不見於

古唐廼得於韓愈韋應物以其文為足頌亦恨不得在
六經推大著說使學者肄業及之其驚潛動蟄金繩鐵
索特以其書畫傳爾顧未暇倚撫其文刻之部類中後
世得考詳方唐之時其文隱顯未盡缺落微詞索事或
可得之而愈應物徒知校獵受朝宣暢威靈懔懔夷夏
故愈謂此為宣王時應物以其本出岐周故為文王鼓
當時文已不辯故論各異出也嘗考于書田獵雖歲行
之至于天子大蒐徵會諸侯施大命令則非常事也故

四王二公後世以為絕典然則宣王蒐于岐山不得無所書或史失之其在諸侯國當各有記矣不應遂使後世無傳此其可疑也當漢之時見號奇字如甄豐輩定作史籀書竇蒙以為宣王獵碣而曰我車既攻我馬既同張懷瓘以此本車攻詩因考合前說且曰諷畋獵之所作也愈應物其書籍之則有據矣然為諷為美其知不得全於文義見也傳曰成有岐陽之蒐杜預謂還歸自奄乃大蒐于岐陽然則此當岐周則成王時矣方楚

合諸侯求大蒐禮者不知宣王嘗狩於岐山以合諸侯
況小足所美其地本東都又選車徒無大號令則不得
為盛節古者詩書不嫌同文其據以此便謂宣王未可
信也呂氏紀曰蒼頡造大篆後世知有科斗書則謂篆
為籀漢制八書有大篆又有籀書張懷瓘以柱下史始
變古文或同或異謂之為篆而籀文蓋以其名自著宣
王世史所作也如此論者是大篆又與籀異則不得以
定為史籀所書叔向曰昔成王盟諸侯于岐陽楚為荆

蠻置茅絕當時以為重禮故後世不得泯沒宣王蒐岐
陽世遂無聞哉方成康與穆賦頌鍾鼎之銘皆番吾之
迹然則岐陽惟成王大會諸侯則此為番吾可知書言
成湯狩于亳故後世有亳亭宣王狩于敖其在地記則
著敖亭詩曰選徒于敖其事可以考矣周書記年於蒐
狩之大皆書則合諸侯而盼大命亦一見於成王此其
可信也昔人嘗怪自漢以往好奇者不道此書廼不得
秦文若者猶得人入錄藏之當漢號史書以刺畫奇崛

蓋亦不得盡其文則其不見道固宜獨怪愈於唐中世得之乃謂勒勳以告萬世又恨聖人於詩不得見之石鼓之謠自杜甫尚歎不知愈何以知其意謂編詩有遺也或曰此成王時詩則頌聲所存聖人不應去之果有豈不知邪曰轡之柔矣作洛皇門此周公作也詩書不得盡見將一時所訓非理亂所繫不足施後世者不得著也其因後代亡之亦未可知也曰子信為成王頌何前世未有考者則其說使人盡得信乎曰蒐于岐陽書

傳再見而車攻之獵詩以為教此可謂無所据乎此余
考於古而知之世亦安得異吾說者知考古而索其事
自當有所得爾不待此以傳也

毛伯敦銘

龔伯宗器其子邠所作也邠以功受天子命服赤芾彤
旒黃裳璽旂則作彝器以奉宗廟因以載其寵靈可以
求其禮也皇祐中長安民得於渭上銘曰毛伯內門立
中庭右祝邠王呼內史冊命邠王曰邠昔先王既命汝

作邑今惟亂商乃命錫劉原父以毛伯為毛亦鄭歐陽永亦書以為据楊南仲呂大臨以鄭為邠說文升作昇因以為證古字繁省雖不可盡考然鄭則從莫不應至此而升不從白其文異甚不知何以信之許慎顧野王書有鄭鄭等字呂忱謂鄭為周大夫名鄭為畿内地名惟名不可以字義知之而地邑或以為名亦不可知然則呂忱獨以鄭為周人名者恐或自得有据傳曰原伯毛伯文王之子原毛之後世為王臣仍為伯爵或本封

絕減食米畿內故以米邑稱春秋時毛伯錫魯文公命說者文王子封為畿外之國考其時諸侯無毛國而毛叔仍文王子其受封在滅商後今日皇考龔伯則非毛伯鄭矣周之制食米畿內者皆以地著姓則毛伯亦其食米於毛者不必以毛國尚存而號於王畿也銘曰乃惟商亂知周之冊也周之商亂其在成王世三監之變矣然此時毛伯國未絕故知非以存其本號者然赤芾鑾旂本以錫命諸侯至于畿內之伯得以為寵者知為

王之加賜者也

魯公尊彝銘

古篆魯旅同文劉炫謂有文在手為魯疑不得若此其
後得古文𣎵字傳模既失又改為𣎵字李陽冰以文當
如囙蓋為魯也祕閣有銅尊銘作囙公諸儒不能考定
或以為𣎵者非也以古文考之其書以囙為魯在漢猶
然其作囙者蓋古者簡質其省文亦自有据宜世不得
而知學者每謂諸侯不得祭天子而魯獨用天子禮樂

二戴為書謂其說可信至于非二王後而得稱公此周之所以崇魯也故魯公拜後不以為過蓋自周公時伯禽稱魯公矣今考此銘合於禮書其尊彝則自有制也

龔伯尊彝銘

龔伯尊彝臨江劉原父得於長安制形類敦而大其重若干其容若干附耳為奇獸口圓上周以回文下畫為雲氣以禮考之罍也用之廟獻其上列尊彝故刻銘以此彝尊自是二物有彝則有舟有尊則有罍其制如此

罍之之制宗器自宜有序則彝尊罍以次列矣其銘曰
彝尊舉其大也傳曰彝卽罍器也又曰彝為上尊卽為
中罍為下形如壺大受一斛但此器亡其尊彝惟罍存
爾考于禮書犧象著壺大山此尊也鷄鳥斚黃虎雉此
彝也若罍則一矣其制皆為雲雷狀其上飾以回下飾
以雲回為古文雷字故以鷄彝盛明水以鳥彝盛鬱鬯
以犧尊盛醴齊宗廟七獻二裸為奠不飲朝踐尸飲五
獻卿即天子與上公同九獻二裸為奠則尸飲七可以

獻諸臣故子男則五獻是尸飲三可以獻卿大夫士三

獻無二裸直有醕

音印

尸三獻故王醕尸因朝踐之尊醴

齊后醕尸用饋獻之尊益齊其臣卑尸酢賓長即用罍

尊禮曰廟堂之上罍尊在阼犧尊在西然則古人自以

罍彝尊同名蓋相序以成禮也古廷設罍諸臣所酢人

君以黃金飾尊大二石金飾口耳其自諸侯卿大夫則

無金飾也韓子曰罍大器天子以玉諸侯大夫皆以金

士以梓其說雖異然今世所見惟銅則其說或可信龔

伯尊彝考於禮則大夫制也其稱蓋

當作益

公原父以為

非諡所見且古文益作坎卦自隸書始變而今文或異

然古諡

益音

為益自當以古文定也異顧野王曰大也乙

憲翻篆文異與願同古文作醜自當從篆

叔繇鼎銘

繇音登

叔繇作鼎考其制形則宗器也銘曰二十有三年王在

宗周王命叔繇余考於書周既營成周以居商民而以

王城為宗周卜宅土中復歸西周故周官曰王還在豐

多方曰王在宗周其後十一世犬戎攻宗周而平王始
遷故泰離閔宗周宮廟之廢周自是不復居宗周矣其
曰王在宗周則知其在幽王之前可以考也史自共和
前其世數最長而可知者穆王在位五十五年昭王雖
不見居位歲月然穆王五十受命改元則知昭王在位
之年久也昭穆皆有二十三年則叔繇作器蓋在二王
之世矣銘之所書有鼎彝尊鼎蓋宗廟之器說者以木
橫貫鼎而舉之謂鼎然易之鼎象則為金鉉豈叔繇之

鼎以為金鼎者耶尊彝有六其器也則用本朝踐獻踐不可考也三代鼎彝有銘多矣而曰需終者今見於此彝鼎之銘又曰需始需終古者以需為善其文與今同此其謂善頌者也

伯庶父尊敦銘

劉原父得古敦其銘曰伯庶父作王姑舟姜尊敦世或疑舟為丹又以為井者其文可考朱鮪集字舟為古文周字顧野王謂舟為周詩言舟人之子則周也古文不

一其體減增上下隨其形異不能盡以點畫校也如伯庶父伯郭父鼎上下二體文皆異也此猶可以參考至寧為丁丁為丁省文示意豈可盡求於點畫間耶庶父知為名矣以尊敦求其制其為有蓋飾者豈庶臣得用哉知周無丹氏井氏列于侯國者舟也齊在周為大國世與姬為媾以國聘者在名則為太姜少姜在諡則為文姜宣姜穆姜在國則為齊姜晉姜衛姜蓋以國繫姓者不特諸侯之國其在大夫以采地著者猶得稱之然

則其謂周姜者可以知也周之世諸侯無以周為諡者
王畿周公則得號之其他非王子弟母妻則其君王后
也伯庶父於書不可考然謂吾之姑者知其為姪矣禮
有王父母無王姑其以大稱者或得號而兼之知伯庶
父為齊子也或疑為王之姑者則以周為諡矣若王之
姑姊妹則為姬氏或當以異姓為姑姊媢者又非周制
也尊敦失其蓋不知形制所本然文飾備盡至于揜也
尊敦上分趾皆作獸形此其為有飾者也惟諸侯則得

用之

商洛鼎銘

此鼎制甚大按以今太府權量為斤若干其容若干銘曰惟十有四月既死霸王在下都雖公誠作尊鼎原父以丁為寧其說是也周既都洛而以成周為下宮所以異宗周也誠周古史考曰周公營作下都則今洛陽何休曰周成王所都也其曰十四月者蔡君謨嘗疑之此蓋自王之即位通數其月爾或謂周之十四月為夏之

二月元命苞曰夏以十三月為正故管子有十三月令
人之魯二十四月魯梁之民歸齊二十八月萊莒之君
請復之語如此自是古人書時不必月嗣君未改年以
月數計之邢子才曰四十二月之科一依恒式彼自其
君即位後以月為數其時則已再改年矣蓋循用古制
服制小傳盡書以月此正未成君之制故昔人謂時王
未改年者其說得之

孟銘

伯王教子作寶盃其制異哉禮學未嘗考也昔許慎以
盃為調味器顧野王直以盃為味陸法言以盃為調五
味鑊蓋自周官儀禮竄失本文後俗襲誤莫知所本也
今考於書則以鑊為鑊而以鑊為甕甕為器盆之大者
盃則小於盆而同制矣則盃不可謂鑊孫強亦以盃為
大鑊又曰鑊大鼎也劉臻呂忱以鑊為大鍾皆非有據
少牢饋食禮曰羹定雖人陳鼎五三鼎在羊鑊之西二
鼎在豕鑊之西而禮經改盃為鑊則失其制久矣法言

雖能辯其名而不知鑊非可用割烹則亦誤也古之饗祭饗在廟門之東故初陳鼎於盂西後陳鼎於阼階饗為龜盂即煮薦體之器也升食者自盂以受於鼎鼎陳阼階則薦食於上矣故實鼎曰胥

音征

實俎曰載肩臂臠

謂之前體膊胙謂之後體正脰橫脊謂之體薦短正代脅謂之體解故體各異盂盂別一鼎盂中肉孰各升於鼎故取於盂以實鼎取於鼎以實俎然後可以饗食可以薦孰禮之成也後世不知俎鼎之制雖具簋簋豆

有事於祭祀有司庀事謹守舊文而器名物體皆不能
辯則盃廢已久其名又改尚得求其制而用耶

史伯碩父鼎銘

史伯碩父鼎二至和元年虢州得之嘗命按其權量所
極并其形制圖焉其一高尺有七寸八分深尺有一寸
二分徑尺有六寸九分受一柶二斗重若干其二高尺
有六寸五分深尺有八分徑一尺五寸八分其受一柶
重若干銘曰惟六年八月初吉己子史伯碩父追孝於

朕皇考釐仲王母舟母尊鼎凡四十三字其六子利缺不可識或謂支干相配五行無己子也余按商兄癸彝為丁子周戡敦作乙子其類甚多蓋以剛日柔日相配而制器之日用剛則以柔配之用柔則亦以剛為配之五行之用然也戊己為土戊為土生己為土滅剛日不用而以己配者蓋用其剛必即柔以成之今術家猶然在甲子六年正月朔當辛未則八月一日朔當戊子然碩父正宣王時其曰史伯則史臣而位大夫者故得作

宗器以薦祖廟班固以史伯為厲王世昔鄭桓公宣王
司徒問國於司伯則不得為在厲王時矣今官庫有史
頴鼎銘同其皇考舟母或以碩父為頴字者雖然必□
與其字為配至其作宗器於廟則不得以字著也頴或
與碩父為兄弟此不可得知矣今鼎二以釐仲為皇考
而以舟母為王母釐蓋其王父則以舟為王母其周女
也稱王父以皇考則周固有之矣古之為史者書傳直
以名配之而不著姓此其世代不得考也然銘有用蘄

綽綽眉壽或為說曰綽如祈天永命綽如垂裕後昆以其書考之恐不盡得其文古人於書直有不可意得者況以秦文考之耶

弭仲寶匱銘

古人制法其書已亡不可得考今惟幸其器時有存者可以察也京兆民得古器為銅方匣其大若干其深若干文飾繁縟世不能考以法數惟其銘曰弭仲作寶匣劉原父釋曰寶匱匣於禮為櫝凡所以盛弓弩矢也而

方中矢字又不與古文合不知何据而言也今考篆文集字當作匱其書尚與篆合古文匱不從竹後人因之從竹者誤也小篆雖秦文然亦存古古文不廢其同者甚衆若匱從夾其文可以得矣惟方字為古文然小篆自不從竹其用竹者或體也世或疑篋未有範銅為之此猶以從竹為古之器矣嘗見諸書說金箱石篋無不備也延康中上黨抱犢山功曹李及於嶮得書四十卷盛以金箱然箱篋以載而藏之為名用金用竹隨其所

為也豈但盡用竹哉強之忍翻訓曰弓強也余以自漢以後諸書考之集古以為張仲誤也

張仲寶匿銘

上方所藏旅簋至眾獨無旅簋呂氏考古圖所載備矣大抵皆簋也昔嘗考其銘竊有疑於此矣簋簋古人共用之器也雖廢棄已久不應獨存簋而無簋刻藏所得不應盡藏旅簋以故世不得其制禮家乃為一器但方圓異爾嘗見紀城得器方圓雖異大抵類桶惟蓋為龜

此古医之制也大觀元年劉仲馮以其翁藏古器上之
適余在館始盡模其銘併得原父釋考之其曰張仲寶
医原父固以為張仲所作器也医又作医余按張伯之
器既曰医矣今而則又以医為医其說異也考其文方
中作赤以古按之則為医與簠同其文古也後世禮學
既廢簠簠之制尤失至以方園論辨而不知天子諸侯
卿大夫異制苟為傳誤襲謬方且守之不議何也

杜孺鋪

禮器無鋪古者陳獸謂鋪以金飾物亦謂之鋪說者以其形制類豆疑古又有此器也余考簠從甫自古文如此然其以金為之或從金此不足怪也或曰簠稻梁器也漢之釋禮經方曰簠簠曰簠簠內圓外方簠內方外圓余竊疑漢人不知何所據耶古器存於今者簠不圓則簠不方可知矣今日鋪尊則以簠為尊受飯為簠受飲為尊以受飯之制為飲之制器則其制固宜異矣

方甌銘

李氏甌無秣銘曰方虜或疑其制余為考之古者謂鼎
上下大小若甌曰鬻亦鬻器類甌古文作虜今仲信父
之銘則作甌知字有無存古人用之不一其制矣紀有
甌齊晉以為重器然其用不過行於饗食今舉國為重
號於天下則必有異者將國君之器自異而紀侯之甌則
又其尤異者也

紀城敦銘

紀城在齊之東古裂繻之國齊桓公既滅之矣崇寧元

年民有得古器數十於城者惟敦之制異甚其大若盤
可受今二斗二升者嘗考之鄭康成以敦為槃類賈公
彥曰以木為之今世所得古敦制形大類鼎高補甌乃
知其說異也盟會玉敦當以玉為之不在飾也且祭祀
之時有黍稷故以敦盛黍稷若合諸侯盟誓則不用黍
稷矣故敦中盛血夫以銅為敦用以烹飪也則其制宜
與鼎彝類若以玉為敦則不可以鑿矣當謂有待於盛
血者是也然則其形制自當相類不然則不可以敦名

也

石鼓文

避

我字下同

車既工

通攻

避馬既同避車既好避馬既駐

鄭音

寶郭云恐是描文駒字

君子鼎鼎

古文員字

邐邐

良涉反通作獵

員旂鹿鹿

速速君子之求口口

薛作首鄭作酋郭云恐當作酋

弓

薛作及

弓

趙本

有

絃呂

古以字

寺

諸家皆作時

避毆其特

薛鄭皆作孫字

其來趨趨

必亦反

趨趨

許建反一本重此

簌簌

音義未詳石本有重文

即避

今作敵與禁禦

之禦同

即時鹿鹿趨趨

陳知反薛作趨趨

其來

薛作首鄭云

既

施本無此字

避毆其樸其來遺遺

趙本有此二字

射

一本作避音敵禦同

其翫

音義未詳

右一

薛作辛文鄭作丙文

汧毆

古也字又郭云讀如繫語助也

沔沔

鄭叶作綿籀作泛

丞

郭云讀如蒸

馭

籀文

皮字借作被音

淖淵

鄭音

鯉處

鄭叶

之君子溲

籀文之

之

瀟瀟

鄭云即漫字呂萬通作曼

又

雀

所加反今作雀

其旂

今作

趨趨

薛作

散鄭作蹠

帛

古文泊字下同

魚鰓鰓

音洛薛作鰓

其蘊

鄭云蘊亦作蘊讀與

俎豆之

氏鮮黃帛其鱗

卑連反鄭作鮒

又鱗

又鯢

鄭云即鮒音白

其

胡

乞及反鄭本作豆

孔庾羈

謨官反籀文嚮字

之𩇛𩇛

巫若反

望望

籀文

洋字鄭音

趨趨

鄭作博即過字

其魚佳

通維下同

可

通何下同

佳鱖佳

鯉可呂橐

符霄反

之佳楊及桺

右二

薛作戊文鄭作甲文

田車既安鑒

郭云大么反音條

勒驛驛

一作馬

𠂔

一作從

既簡

左駟旂旂右駟驥驥

渠季反

遯呂濟于遯

古原字

遯戈世

阮

鄭作阮薛作阮籀文今作陸又趙木作止射

宮車其寫

讀如却

秀弓寺

時

射麋豕孔戾鹿鹿雉兔其口又

作梅鄭云今有

其口

𣪠

鄭云作奔或作走

大

鄭本有匚字在大字上古直字也

出各亞

施云汗簡作亞古孝

經作惡

果

薛作畀字鄭疑思字郭云恐是臭字古老切大白澤也

執而勿

射口庾趨趨

郎擊切鄭云與轢同

君子廼

石本作迺薛作廼郭鄭云迺今作收

樂

右三

薛作丙文鄭作丁文

口口鑿車參

石本作甬說文作參呼骨反薛作參字鄭云拜字

敕真

鄭云即填亦作

鎮

口口弓孔碩彤矢口口口

諸本作四

馬其寫六轡驚驚

鄭云五到反讀若遇諸家竝闕一字無重文

辻

諸家作徒馬鄭作馭

孔庾廊

薛作廊

宣

古宣字

搏搏皆

鄭云即苙字

車載衍

籀文道字

徒如章遼涇

通作

陰陽趕趕

七走反即趣字

六馬射之矧

籀文族字鄭云借作鏃字

迂

今作

如虎獸麀

諸本作鹿

如□□□多賢連

鄭云今作猢

禽□

□避兔

薛作鹿一作兔

允異

右四

薛作丁文鄭作戊文言策命諸臣

□□□天

一本無此天字有薄溲二字

霑雨□湫

今省作流

迄湧盥

止遙

反一

溲

鄭云今作溲溲私列反

溲

鄭作溲郭云濕

君子即步

涉

毆也

洎洎淒淒□□

舫舟鹵

薛作恁或作由

遘

鄭云即歸字或作遘

□

□自廊

薛郭作廊鄭摛文作郭

徒駿湯湯佳

通維

舟呂衍或陰或

陽板

其軌反鄭云即
輯字薛作枝

淡呂戶

一本無此

于水一方勿

止其奔其敵

鄭云今
作禦

其吏

古文
事字

右五

薛作士文鄭作辛
大言漁狩而歸

猷乍

籀文
通乍

遼乍

衛

即導
字遒我朝

鄭作
治字

除帥叙

被

序

音序郭
作阪

算

薛作算音莽郭云恐是莽居
蚘反鄭本作算今省作算

為卅

石本作世施云卅三十
也蘇合反非世字也

里

微微

薛作微鄭云
未詳音義微

無此
重文道

薛作迺鄭
云迺作攸

周

薛作若鄭
云亦作周

纛

古桌
字柞械其

檟格

讀作皓方老
反薛作格字

庸庸

薛作庸鄭云
未詳音義

鳴

亞箬

薛郭
作籀

文若字

鄭作若 其麥

薛作華鄭云亦麥

爲所旂驛

薛作憂鄭云今作憂

籃

郭作籃云籀文盤字今省

衛百討

樹

合

薛鄭音合鄭云疑即畬字音響又模本下有孫

非字

右六

薛作庚文鄭作乙文言除道

而師

弓矢孔

鄭本有此

三 庚左驂

此字鄭本有

滔滔是戴

說文古熾字與此相類

口口

口口不具奪

薛本有碑字闕音

後具肝

薛作肝鄭作吁音吁

來

口口其寫矢

石本作災薛作矢鄭作矢

具口口來樂天子

施云

鄭本子下
有來字

口口口 嗣王始古我口口來

右七

薛作甲文
鄭作壬文

𠂔

被

走𠂔𠂔

鄭音

馬𠂔

鄭云今
省作薦

哲若

石本作𠂔薛作
奔鄭云即若字

古諾字
從此

𠂔

施云說文與微同
薛作放音非也

雉立其一之

施云宿二
本下皆有

止字按此
本作之字

右八

薛作巳文
鄭作庚文

施云此鼓最磨威僅存十三字不復成文

遯水口衛

導

既平既止喜

薛作
嘉

樹𠂔

則

里天子永寧

寧

日佳

維

丙申

口口

避其用衛馬既申救肅肅

施本

作康

康

康

康

康

口駕左驂駮駮

五到

口口

駮駮

鄭音

扯

于一反鄭

云疑即捷

康

字

口女

通不

口輪

郭云籀文翰

从飛鄭音同

霧

薛作霧郭云恐

是籀文霧字

公

謂天余及如周

石本作周

今省作周

害字

不余及

右九

薛作乙

文鄭作

癸文言除道

吳

通作

人憊

亦作

亟

即亟

朝

石本作勒薛作教

夕敬

口載

即西

載北勿奄勿伏

薛作戊字

卒

鄭云即亟

字或云即

畢

而出口獻

畢

而出口獻

薛作獻字

鄭作狩字

用

口口口口口口

大祝

口口

廣川書跋

二

口膏

薛作高字鄭云今作享

口口執

薛作執說文執與藝同鄭云亦作社寧逢

中孔闢

籀文

鹿鹿

舊本鹿字在上

麋麋

避

口其

口鹿

鹿

龠

龠

鄭云即

夫

別本作大

口

口

口

口

口

求

又


口

口

口

口

是



薛作癸文鄭作已文

廣川書跋卷二

欽定四庫全書

子部

廣川書跋卷

三五

詳校官中書_臣孫溶

檢討_臣德生覆勘

覆校官主事_臣李駿

校對官主事_臣張培

謄錄監生_臣李炎

欽定四庫全書

廣川書跋卷三

宋 董道 著

周姜敦銘

伯百父作周姜尊敦其器無文飾則自命士以上得用
殆與秦漢間器無以異也周之世齊姓重天下故當時
語曰姬姜觀原父所得敦三皆為姜氏則世以為貴姓
可知周之諸侯與大夫卿蓋無以周為諡者惟伯禽弟
守米地居王之畿內世以周自別後世如宰周公類可

以考也其謂姜則王畿之公也或言王之支庶子弟亦得以周號者且王子弟則或自有封矣支子分屬王畿者則以來地著其受性命氏則子孫各以其姓自顯蓋不以周自稱知彼既別於周矣若平王之子封汝川初以周為氏此其以周著者古之宗廟不出四封然得自長安知非汝川之周也

晉姜鼎銘

晉姜鼎以今權量校之其重若干其容若干以合周律

當為權若干為量若干周自中世天子不得考度量協
彝器侯國得自為制則當晉國不知其為權量輕重多
寡也銘曰維王十月乙亥晉姜曰余維嗣先姑君晉邦
余不敢荒寧知其為晉鼎矣然則其謂晉姜則齊女也
春秋時齊歸晉女者獻公則齊姜文公則大姜平公則
少姜其在春秋前則穆侯夫人書傳雖間有遺缺不得
盡見然其著者此爾少姜蚤死齊姜不得主祀穆夫人
不盡穆侯世惟文公夫人當襄公世猶不棄祀事疑此

大姜鼎也聖人作春秋於歲首則書王說者謂謹始以正端故舊史以示成法今晉人作鼎則曰王矣是當時諸國皆以尊王正為法不獨魯也考於禮制鼎者或以宴享亦或以饗祭其數亦異矣故有正鼎者謂牛羊豕魚腊腸胃膚也其在羞鼎則腳臠臠矣蓋食禮無膚祭禮則有之故其大者為膚鼎惟鼎則享備體也晉姜之

作殆膚鼎謂耶

脂音昔乾肉也腳音香牛臠也臠音烹羊臠也臠音秦豕臠也見內則

孔文父飲鼎銘

孔文父鼎其制異也昔呂大臨嘗疑之謂制度蓋尊壺之屬而銘謂之鼎余嘗考之有足為尊而著尊無足魯公方鼎銘為尊彝敦必三足如鼎而伯庶父敦則足如杆彝卣同器而父癸彝實為方鼎夫鼎之大亨謂以木弌火然旅鼎陪鼎雖不受饗有亨養之道故鼎以有載也且有舉而行也受食為食鼎受飲為飲鼎食飲之異重醴稻醴清酒黍醴清酒梁醴則致飲於賓客豈無器而節厚薄之齊哉春秋傳曰尊以魯壺此器為似其謂

之鼎豈醫醕糟盖有火齊而節之謂耶

大夫始鼎

大夫始鼎其銘曰惟三月初吉壬寅王在昧宮大夫始錫作彝又曰王在辟宮獻工錫彝錫章又曰大夫始釁對揚天子休用作文考寶鼎孫子子永寶用按禮四命受器則上大夫也故冊祝於錫命將之博士呂大臨問曰古者受命作器祝冊命書必載之宗彝子孫寶用惟永永無怠以無忘其初古人於此以侈大王靈而著

昭寵其章大矣又以告後之人其以致戒者此以禮乎
取之何哉余曰此神之約也自商以上則不列於此矣
夫與神約者非必命祀郊社羣望以盟詛而存也蓋以
祖宗為祀而求使子孫不廢用享者此與神約者也故
大約劑書於宗彝使神監焉使人畏敬不敢違也故不
能守其約而廢器者其刑墨公法治之此其為約也先
儒以彝為宗廟六彝蓋尊之制爾余謂凡宗廟常器皆
宗彝也虞氏宗彝至周分為二者豈可以宗彝盡宗廟

之制哉今考古器存者鼎敦尊鬲等衆矣皆著銘曰彝則宗廟之器其常用者皆得銘之矣不必謂六彝之所書也

宋公誼鍾銘

誼音莖

崇寧三年應天府得古鍾六於崇福院其一為黃鍾之宮高一尺四寸八分鈕高四寸兩舞距一尺四寸半橫一尺三分兩樂距一尺六寸八分橫一尺有二寸其二為大呂之角高一尺三寸四分鈕高四寸一分兩舞距

一尺三寸五分橫一尺兩樂距一尺六寸三分橫一尺一寸五分其三太簇之徵高一尺二寸八分鈕高三寸九分兩舞距一尺三寸二分橫九寸二分兩樂距一尺六寸其四夾鍾之商高一尺二寸七分鈕高四寸兩舞距一尺二寸三分橫八寸八分兩樂距一尺四寸橫尺有二寸八分其五姑洗之羽高一尺一寸五分鈕高三寸八分兩舞距一尺五分橫八寸兩樂距尺有二寸三分橫九寸三分其六

缺

銘曰宋公成之醴鍾按史記平公名成當周簡王時共
公卒華元魚石立少子成是為平公立四十四年當魯
昭公時見書春秋宋本商後而商出自帝顓頊當高陽
氏之世樂號六莖今考于書曰醴樂名其字與莖同列
子以為瑩其實一也宋均曰能為五行之道立根莖此
說恐不然古人以英為華以莖為實高辛氏既發其英
則高陽氏實之于莖所以反本流根以宣暢其味氣使
天下咸得而遂焉夫是故以名云當周之世樂用六代

獨不見英莖之作於時疑宋為商後于其國而用之以存其禮樂茲故得而作也嘗考之襄公世作商頌以祀成湯故閔馬父曰正考父校商之名頌十二篇於周之太師其輯之亂曰自古在昔先民有作夫以校而輯之則考父所作也太史遷曰襄公之時修仁行義欲為盟主其大夫正考父美之追道契湯高宗商所以興作商頌韓詩章句曰商頌美襄公作也馬昭曰宋為殷後郊祭天以契配于郊冥者異於先王故詩詠契之德宋無

園丘之禮惟以郊為大祭且欲別之于夏禘故曰大禘
夫能祀契湯商宗有道則其臣宜作頌歌以薦之廟是
宋用商之禮樂其作頌者無可怪也考其詩大禘春初
則祭用殷也食嘗有樂則禮用殷也錯衡三等同之非
周制也鞀鼓楹貫於宣王時考父效之如考父不作頌
且謂晞尹吉甫者何哉余故謂頌成湯作莖樂則宋之
制得以考矣天子方作大成樂以紹百王絕業故嘗求
鍾之制不得周之舊鍾存者衆矣側弁則陟而不應橫

貫則扶搖而不得定考擊備設則震掉而或不得盡其
音聲有司患之翌日制詔丞相御史以鼗鍾為正故今
鍾得調焉乃下詔曰得英莖之器於受命之邦非天相
之其能盡感德之事哉

宋君夫人餽飢鼎

余既為編修官畢完書宋公緜之鼎矣蓋餽為八珍或
曰有菜之鼎也翌日校書郎黃伯思持宋君夫人餽飢
鼎以問君與夫人並為餽鼎此何制也余曰古者祭祀

饗食饋羞薦獻各有制不得相亂則饋餼鼎用於房中之羞此夫人之禮也少牢曰主人酬尸宰夫羞房中之羞于尸侑主人主婦故君與夫人宜各有饋也餼在禮為糝食糝一為菜烝牛羊豕糝稻為餌則糝以相參為名自是別鼎呂氏圖曰飭於字書不見疑為鉶蓋古鉶為鉶此以書名求之非也夫人羹謂之鉶鉶涪也其可謂之餼哉古文臂鏜為鉶似鍾而長頸為鉶鉶鼎有蓋不得形制疑鼎之長頸者也

餽鼎銘

祕閣至和舊鼎其銘曰宋公繇餽鼎少監羅畸摹其款
識以問廣川董某曰史記宋世家無公諱繇者豈宋自
為諡或以萊地舉耶某曰周公惟二王後稱公而微子
啓實封於宋宋非畿內地且不為諡其曰宋公果商嗣
也竹書有宋景公繇而史為頭曼孫炎以繇為頭曼合
聲以辨周秦之語今考班固漢書猶有兜繇蓋亦著其
聲如此或曰餽鼎食鼎也今飪鼎亦曰餽者用以饗食

其禮異乎曰古者天子諸侯食禮鼎俎各有數故有左鼎陪鼎特鼎然謂餽鼎者糝鼎也傳曰糝謂之餽又曰筍之為菜則餽也古謂八珍漢儒論者以八珍有肝膾無糝鄭康成考于周謂糝在八珍中而周官筍俎與此自異故薦食不同古之食饗若糝有菜則入八珍不須肝膾若糝無菜則入羞豆今直曰餽鼎則糝有菜之鼎也

宋公寶篋銘

河南王氏得銅簋六其制各異銘曰宋公作寶簋或疑其器在一時而制不同將無所考於禮耶蓋禮則有之後世不得其制而但守一物而為据者鮮或不亂於禮也元豐三年詔禮官考据典禮定為奉祀禮文其書大備禮官請依古作簋簋器上難其事謂禮制無明憲今偶得一器即用為据古之禮豈盡此一器嗚呼昭鑑遠矣今考宋公簋知禮器未可以一而据也

邛仲頽盤銘

邛仲之孫伯裘作頽盤銘曰惟王月初吉丁亥邛仲之
孫伯裘自作頽盤用斬縻壽萬年無疆子子孫孫永寶
用之昔人以初吉為疑蓋古文以王為闕則其為正可
知按說文頽作沫馬融曰頽面器也傳曰洗手謂之洮
洗面謂之澣古之事親者垢燂潘請澣頽與澣同古今
文異也邛中菜地當周畿內疑為王子弟古有邛疏即
其後也余怪古人於用器自期眉壽欲子孫永永用之
不窮不知後世子孫不憚口澤者能朝夕用乎或謂父

詞如此至于孫之詞不得用此也

周舉鼎銘

高九寸二分深五寸九分口徑八寸二分容一斗六升二合重十四斤一十一

兩

祕閣既定作古器圖并考論其制上之或以問曰冊為古文舉然此為舉鼎謂可舉耶且三代之器言舉者衆矣已爵為舉丁卣為舉凡可舉以進者謂得名之今按此鼎銘舉其器非爵可舉而大且容斗六升重十四斤其得舉哉曰晉平公有臣杜舉酌公以罰又罰其二臣

且自酌也後之為制者設之于庭以待直言晉謂杜舉
其後改為百獸尊設于庭以示百官其昭大矣不必為
一爵而存也蓋因名而得以有作矣然制器簡古文字
特異蓋晉之當世或其後人所作以示於衆非秦漢之
君所為也觀古之制器類有所本而揚聲洗觶一時有
見乃傳後世不忘況其器猶傳此其可貴者豈偶然一
古物供耳目之玩好哉余願得附其言於此竊有慕於
古焉

癸舉器

新平張氏得古銅物或以為觚其容三升則當古之一斗余知非觚之制矣銘曰癸舉以癸為名疑為商之時而器乃周之制矣其形範與觚異者以無四隅而廉稜皆廢不得為觚傳曰觚之為觚以有觚為廉不為廉者非觚也或謂舉器名疑古人之制名者也曰癸為名矣而舉又為名定誰名耶今鼎有舉爵亦有舉謂可舉也昔杜蕢揚觶其實為觥後世以為舉者本此或古人

以自有舉於書不可得考燕禮主尊觶于篚古文觶為
觶士長升拜受觶主人拜送觶作觶鄭康成曰古書或
作角旁氏則與觶相近學者多聞觶寡聞觶寫此書亂
之而作觶耳當漢之世二字相混然癸非商人則此當
為杜舉或曰何知非商之器曰吾考之禮媵爵者洗象
觶今癸舉則為四象者以其形制索之知周物也

匱甲觶

始余得匱甲城觶其高八寸四分容一升考其制蓋古

所謂觶也又得李氏觶高一尺一分其容六合無壇字
廉隅其足為四象考其制則觶也梓人曰爵一升觶三
升獻以爵而酬以觶一獻而三酬則為一升禮家於此
疑矣考於古器無有合也昔韓嬰謂一升曰爵二升曰
觶三升曰觶四升曰檼如此則觶定二升觶定三升古
者權量三不當今之一則其容六合李氏之觶是也若
宣甲城所得按之周量三升有奇則當為觶矣傳曰觶
之為觶者以有觶也今宣甲器無觶與觶得以觶名矣

昔鄭氏謂梓人之觶字當為觶觶與觶同制則其言是也
禮器制度曰觶大二升觶大三升饋食禮主人洗爵獻長兄弟于阼階上長兄弟洗觶為加爵則觶倍於爵其實當二升古之論者盡如此余是以知梓人之書誤也

齊豆銘

考器之形知為豆矣而曰齊豆呂氏以銘得之曰作太公郭公孝公豆蓋齊世家太公之卒百有餘年子丁公

呂伋始立如郭公以下三世至孝公始見於史記去呂伋十四世矣今考齊世家無郭公曰孝公則其世數甚遠雖一豆之薦不如是遍於宗廟然自一時作器書以有別不知諸侯享廟其得至十四世邪當周之時秦有太公其後世為孝公田氏亦有太公而後世無以孝公為諡者雖世有相類然以太公號求之孝公皆遠在十世後可考也

蠶鼎

祕閣有舊鼎祥符初齊郡王上之其銘作螭形余以書傳按之疑為公子螭也春秋時如鄭厲魯公孫與陳祥之族雖皆以螭制名然自昔古器得者多子尾所為自送女器不苟作皆考合禮經存當時制度知子尾為器其衆且不勝舉也古之為書者盡於象形傳曰書者畫也故凡有形之物必寓之象至無形不可以象類得者然後寓之意而會焉意不能會而形類隨變則轉注以相授指事以相辨諧聲以相合故知字本象形且曰孳

乳以相生也其變於此者形不足盡然後廣取以備物
各有本也許氏說文解字雖本秦篆然蠆之字猶為象
形蓋秦人改書文以作故其原亦本古字惟點畫少變
服虔曰蠆長尾謂之蠆特其尾之名爾又曰蠆毒傷人
曰蛆張則切則蠆其毒之及人者也今既以蛆為蠅種則
不復以蠆為蛆矣以蠆尾為蠆則還以蠆為異文宜其
古字廢也

甘鼎

余考此鼎無銘識有刻在蓋曰甘以書文考於古在篆為箕在籀為期在古文為其然未少異也刻畫朴古款識深重與蠡鼎相類書至精工非後世書篆家可識自漢以來功力漸改無復款文如三代時故悉刻鑿為之今視其文如木蠹蟲行以此知為周秦間寶器也嘗考于古齊公孫竈生樂施施字子其至其後世以王父字為氏故漢有沉其古者廟器以名宴器以字此其為燕器者與樂施氏嘗作此器後世守之不廢按其籍至味

中齊郡上之齊無其姓與名可索而知也今考古文考經其為尊古文老子其為示或體為尊王存又為丌古書亦無為甘者惟顧野王以甘為箕後世共疑於此林罕以甘為其蓋本鼎銘以考書法當古文廢絕後罕能以古學自考不徒爾也昔走作寶味鍾銘與季姜飲孟及石鼓皆從甘為其則林之說是也今人不知古字或議罕不能据古而自多臆說觀鼎篆所存乃與罕合孰謂不知而妄有作也

王子吳歆鼎

潞國文公守京兆得鼎其銘曰惟正月初吉丁亥王子
吳擇其吉金自作歆鼎其糜壽無疆子子孫孫永寶用
之書家考古謂無虧而虧見三蒼知為鼎也古者以尊
壺受酒而鼎亦屢見取用一時以得為之余見古器衆
矣非宗彝以祀則其功庸所在故有銘也計功稱伐於
此乎陳之矣曰自作歆鼎蓋惟宴私用之抱朴子以辱
金不可用以為藥且為器皆有避然擇吉金是慎其所

養也古者敦學卮匱非餒莫敢用之又以口澤不可用
器而謂子孫永寶用之其何据耶意者用以爲享乎或
以此戒之可銘也

寶龠鍾銘

高八寸一分衡角高四寸四分兩舞距
七寸七分橫五寸五分兩樂距八寸九

分橫六寸六分
重十斤五兩

祕閣寶龠鍾銘曰走作朕皇祖文考寶龠鍾走其萬年
子子孫孫永寶用亨呂氏說曰太史公稱牛馬走其後
班固蔡邕亦皆以走自見於書蓋卑以自謂託於此也

或謂託於下走自漢如此周人未嘗有此嘗考之夫以作宗器薦之祖廟宜刻名以自列其曰走為賤稱非言懼名禮此昔人所慎也走自是著名以別支子況於子孫其可以名廢耶古人於書走足走疋同文在今其有據者如此又如不可據者尚多此皆未有可考也禮官曰銘稱皇祖文考謂祖文王也世數雖遠蓋推本原不然昔人衛莊公曰皇祖文王烈祖康叔文祖襄公古人稱文祖文考不必舉諡如襄公曰文祖則可以考矣豈

必文王之子而謂文考以其皇祖稱考又不可附其說
古器刻銘若廢作文考尊師餘作文考彛哉作文考敦
豈皆以文王享乎且諸侯不可得通天子其得通天下
而享之非周制也

寶龠鍾

寶龠鍾二與前一器同制禮官考其權量度數高七寸
五分衡甬高四寸二分甬舞相距七寸橫五寸三分甬
樂相距八寸四分橫六寸重十三斤十二兩以今太府

法制求之如此其鍾以雙鳳為飾又其旁刻字作鳳形若鳥鍾飾鳥為名舊號鳳鍾古著字本象形故凡有形之物必寫象以見欲其有識也至於形不可得與無形象而可求則凡有意可會有事可指皆為別類以見若其事可假其聲可諧其意可轉而相授皆字之變也嘗考古文鳳字但畫鳳尾為之小篆轉以為朋司馬彪曰鵬者鳳也然則鳳形為銘知為鳳也或曰周之興駕駕鳴於岐陽疑周人著瑞以示後世此余不得而知也

虢州古鍾銘

虢州所上古鍾其高三尺二寸有奇口徑八寸三釐其
頂徑一尺六寸銘曰王叔伯高作其字摩滅不可復識
皇祐三年改造樂律內出古鍾命有司考詳聲韻安定
胡瑗得古鍾四參定尺度明年樂成還之御府迺俾工
圖之因得其名以傳廣川董某書其後曰考鍾之制於
古有稽其度量或不能合者又往往其器皆出三代有
識可證蓋書之亡失不能備盡則器之幸存猶有明訓

是不可按圖而盡也今考其制在上無枚其擊無隧銑
甬雖備而祛鼓不辨有舞外承有衡上剡無旋蟲繞獸
以飾其外此其異于經也夫金尚羽其器有六以樂論
者皆鍾也故曰中者為宮其大為鑄圜如碓頭大上小
下曰鐸如鍾為鐃如鈴為鐸此古人所用以和樂者也
今其制則然矣此殆周人所謂鐸于者耶故曰以金鐸
和鼓于寶謂去地一尺灌之以水又以其器盛水於下
以芒當心跪注以手震芒其聲如雷當寶之世其器

與灋猶世習之不廢故得備列於此宜其考擊不受而無擁隧也漢什邡縣段祖得鍾高三尺二寸六分圍三尺四寸圍如筩史臣不能盡考故書如此不知其器可考亦異此說矣方後周時本玉斗以宋度則蔡邕古侖合校晉前尺大一寸八釐其法與今黍尺適等則徑至八寸有奇者以徑一圍三校之當三尺四寸矣此或周節樂之器也

景鍾銘

御府藏大鍾不知其出何時銘曰景鍾景祐中諸儒議樂出自上方參考度量初得其器圖之其高三尺二寸徑一尺二寸其下刻識皆滅沒不可辨或曰此古景鍾也有功則銘其上古人貴於書名金石謂此也後世鑄金之功既廢世或不能知其制矣管子曰黃帝作五鍾以正五聲所以分五行也而有景鍾則景鍾自是寶器若夫晉人之銘魏顗自為晉景公鍾不知其制與古同異許慎辨鍾為酒器而鍾為樂器今考景鍾咏鍾其銘

皆作鍾不從童也惟寶味鍾作鐘是知古人於此不一其書矣當漢世書文已譌而鍾鼎或藏厚地堦忽間未出慎不得見之故論書如此

銅敦銘

楊氏圖古器有銅敦銘曰宰辟父右周立王冊命周周頓首奉揚王休命用作文考寶敦其制與周姜敦異蓋圜不作龜形亦無刻飾著耳附腹不與簠簋形同亦不為蟲獸狀而揜至上飾畫雷火今既受命於王為文考

廟器此必考於制度不敢遺舊章也其制如此者疑禮
文楸缺不能盡考傳禮曰有虞氏之敦周士制得用之
又曰諸侯飾以象大夫刻以龜天子飾以玉而還象其
形則敦雖通於上下惟其刻飾異爾豈其為此圖者不
識當時蟲獸文而誤為草木之英華者邪周之世有太
宰內宰宰夫在禮在春秋皆書曰宰若宰周公宰孔父
宰文公宰皆官也譙周曰成王作辟宮其言王在於此
則既異于夷宮武宮矣蓋王之灋宮也肆命王臣必親

即辟宮則其禮重矣錫戈瑀華萊絲衣此命大夫賜
非士得受之其制則與禮不合蓋享敦祭敦制度不同
故上得以蕪下其形制則亦已辨也

臨淄戟銘

或得戟於臨淄故城趙氏售之臨淄故全齊以兵威雄
四方征戰不息其兵利器堅固宜有傳於後其銘曰
書文猶為科斗形蓋周之未衰也戟有鉤其曲甚利或
謂矛戟以衝陷入物洞胸貫腋以利相尚今其狀如鉤

旁出而內向者此於用不亦廢哉豈為鍛者固如此耶
余嘗讀字林鍛平底也蓋矛亦銅也進戈者前其鑄進
矛戟者前其鍛銳底曰鑄平底曰鍛以其平底鍛地故
謂鍛則鍛者戟之末其與戟並存也昔樂樂乘槐木而
覆或以戟鉤之斷肘而死王何以擊子之斷其右肩齊
氏以戈擊公孟宗魯以背蔽之斷肱古者戈戟之屬為
之勾兵酋矛之屬為刺兵蓋戈有胡矛戟有句援句兵
堅者在後刺兵堅者在前則戟有堅其重則句牽者所

用也昔楚授師子焉以伐隨故曰句子凡戟而無刃秦
晉之間謂之子或謂之鎗音移吳楊之間謂之戈東齊秦
晉之間其大者謂之曼胡其曲者謂之句戈子曼胡今
見古戟有無刃而句者此其異也

延陵墓字

延陵季子墓字世傳仲尼書今入淳化官帖中其字如
書簡牘不類豐碑石柱上所刻也而書亦少異於籀文
疑當吳季子時書文宜盡從籀學不得有所異同又夫

子未嘗至吳其書是非不可考也唐人於季子墓刻此十字張從申書其後而籀字極大不知一書而傳於世者大小不同此竟誰當其傳哉李陽冰書篆奄數百年人常謂初學嶧山碑後見仲尼書季札墓字便變化開合如虎如龍勁利豪爽風行雨集是陽冰所從得法不可謂非古也此當自有妙處今人不到陽冰地安能議其是非所極哉

佳城銘

葛洪雜記序夏侯嬰得佳城銘世無知者惟秦博士叔孫通能讀其文此科斗書也後世疑自孝惠時上推三千年當在洪荒之世蓋未有書契今其文乃與秦小篆相類嘗考其銘此殆有數存者如大同古銘其事亦可推也後人不知世紀惟史記為據史記年自黃帝至堯舜纔二百年以世紀推次中間相授幾數千年矣史特舉其至顯者失其序不能盡通然與佳城銘類故甄豐定為六書一曰古文則魯壁書與此銘矣是時傳者不

可謂無据昔臨淄得桐棺前牒外隱起為銘齊太公六
世孫胡公惟三字是古文餘同漢隸乃知書文相變不
能逃古但數窮即改自然相合蓋惟中本有因變以出
是夙智分也知釋氏海藏傳經千佛同說則知此矣

廣川書跋卷三